



Broj predmeta: 13-002224/21
Broj akta: 01.1-1413EK-0033/22
Datum, 22.2.2022.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 70 stav (3) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-002224/21 od 15.2.2022. godine i Mišljenja Pravobranilaštva Brčko distrikta BiH broj:M-206/22 od 21.2.2022. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1

(1) U provedenom otvorenom postupku za nabavku radova na izgradnji javnog objekta za potrebe zdravstva – I faza izvođenja radova za potrebe Odjeljenja za zdravstvo i ostale usluge Vlade Brčko distrikta BiH, izabran je najpovoljniji ponuđač kojem se dodjeljuje ugovor.

a) Naziv najpovoljnijeg ponuđača je **GRUPA PONUĐAČA „BIJELIĆ GRADNJA“ d.o.o. Brčko, „CONRAM“ d.o.o. Brčko, „ASTRA PLAN“ d.o.o. Brčko i „TERMO VENT INŽENJERING“ d.o.o. Brčko.**

Vrijednost ugovora sa uračunatim PDV-om iznosi

2.080.975,99 KM.

Član 2

Postupak je proveden na osnovu Odluke o pokretanju postupka javne nabavke broj: 13-002224/21 od 29.11.2021. godine, Obavještenja o nabavci na portalu javnih nabavki broj: 1157-1-3-651-3-614/21 od 2.12.2021. godine, predmjerom radova u vezi sa Tenderskom dokumentacijom broj: 13-002224/21 i ponude najpovoljnijeg ponuđača.

Član 3

Finansiranje navedene nabavke će se izvršiti iz kapitalnog budžeta za 2021. godinu, na organizacionom kodu 19010001 i ekonomskom kodu 821200, šifra projekta 12215 – Izgradnja javnog objekta za potrebe zdravstva i 12216 – Dodatna sredstva za izgradnju javnog objekta za potrebe zdravstva.

Obrazloženje

Komisija za nabavke je nakon izvršenog otvaranja ponuda konstatovala da su dostavljene dvije ponude, sljedećih ponuđača: "Džena" d.o.o. Gradačac i Grupa ponuđača "Bijelić gradnja" d.o.o. Brčko, "Conram" d.o.o. Brčko, "Astra Plan" d.o.o. Brčko i "Termo Vent Inženjering" d.o.o. Brčko. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kao kvalifikovani u postupku nabavke jer su ispunili kvalifikacione kriterije u skladu sa članom 45 do 51 Zakona. Ponuđač „Bijelić gradnja“ d.o.o. Brčko je dostavio kao dokaz o uspješnom iskustvu, u skladu sa zahtjevima iz tačke 3.4. tenderske dokumentacije, na stranama 165 do 188 ponude, referenc listu te dvije potvrde naručioca posla o uspješno izvedenim radovima, izdate od strane Kancelarije za upravljanje javnom imovinom Brčko distrikta BiH, (izgradnja vrtića u MZ Ilička i izgradnje zgrade za kolektivno stanovanje za zbrinjavanje boračke populacije), te potvrdu/izjavu, koju je sam izdao, da je uspješno realizovao građevinsko zanatske radove na izgradnji kolektivnog stambeno – poslovnog objekta u Brčkom, ulica Tina Ujevića, objekat spratnosti podrum + prizemlje + 2 sprata+ mansarda, površine 3.392 m2 + 823 m2 podrum, ukupne vrijednosti izvedenih radova u iznosu od 2.550.600,00 KM sa uračunatim PDV-om. Ponuđač „Bijelić gradnja“ d.o.o. Brčko se u navedenom poslu pojavljuje i kao investitor i kao izvođač radova. Osim toga, dostavio je i Rješenje o izdavanju upotrebne dozvole za navedeni objekat, Rješenje o izdavanju građevinske dozvole, pregled vrijednosti ulaganja, analitičku karticu glavne knjige sa spiskom ulaznih računa koji se odnosio na navedeni stambeno poslovni objekat. Iz svega je vidljivo da je ponuđač izdao sam potvrdu o uspješno izvedenim radovima ali na osnovu činjenice da je izdata upotrebna dozvola za navedeni objekat, na osnovu činjenice da su dostavljene analitičke kartice o ulaganjima u objekat, može potvrditi da su navedeni radovi uspješno izvedeni u obimu koji je veći od zahtijevanog u tenderskoj dokumentaciji.

I ponuđač „Astra plan“ d.o.o. Brčko je sam izdao potvrdu/izjavu da je uspješno realizovao građevinsko zanatske radove na izgradnji kolektivnog stambeno – poslovnog objekta u Istočnom Sarajevu, objekat spratnosti P+6, bruto površine 3.096,52 m2, ukupne vrijednosti izvedenih radova u iznosu od 3.822.954,50 KM sa uračunatim PDV-om, što znanči da je bio i investitor i izvođač radova. Pored izjave dostavio je i Rješenje o izdavanju upotrebne dozvole za navedeni objekat, Rješenje o izmjeni rješenja o izdavanju građevinske dozvole, tehnički opis izvedenih radova, pregled vrijednosti ulaganja bez PDVa po godinama, analitičku karticu glavne knjige sa spiskom ulaznih računa koji se odnosi za navedeni stambeno poslovni objekat. Time je dokazao da ima uspješno iskustvo u skladu sa zahtjevima iz tenderske dokumentacije.

Pored toga, članovi Grupe „Termo Vent inženjering“ d.o.o. Brčko i „Conram“ d.o.o. Brčko su dostavili i svoje reference za izvođenje radova kojima se isti bave, ali iste nisu bile relevantne u ovom postupku javne nabavke s obzirom na zahtjeve iz tenderske dokumentacije.

Ponuđač „Džena“ d.o.o. Gradačac je dostavio referenc listu i 6 potvrda naručioca posla koje je Komisija ocijenila kao prihvatljive u skladu sa zahtjevima iz tenderske dokumentacije.

Izvršena je računska kontrola ponuda i utvrđeno je da su ponude potpune, sve stavke su ponuđene. Utvrđeno je da su postojale određene nejasnoće na koji način je trebalo ponuditi radove u dijelu predmjera radova pod c) Mašinske instalacije, u okviru dijela II Instalacija grijanja i klimatizacija, na strani 78 i 79 tenderske dokumenatcije, stavka 13. Ponuđači su zbog nejasnoće različito ponudili navedenu stavku. Zatraženo je pojašnjenje od kreatora tenderske dokumentacije i predmjera radova u vezi navedene stavke. Odjeljenje za zdravstvo i ostale usluge je dostavilo odgovor na navedeni zahtjev na osnovu kojeg je Komisija ocijenila ponude kao prihvatljive, uz napomenu da se prilikom računске kontrole ponude treba uzeti u obzir samo iznos pod „obračunato u jednom kompletu“ za navedenu stavku 13.

Utvrđeno je postojanje računske greške u dostavljenim ponudama. Upućen je zahtjev za dostavljanje saglasnosti za ispravku greški koje su ponuđači dostavili i koje je Komisija i prihvatila. Nisu postojali elementi za sumnju u neprirodno nisku cijenu ponude. Izvršena je e-aukcija i došlo je do smanjenja cijena u odnosu na cijene sa otvaranja ponuda. Najpovoljnija ponuda je bila u okviru procijenjene vrijednosti nabavke.

Komisija za nabavke je u skladu sa kriterijem najniže cijene dostavila preporuku o izboru najpovoljnijeg ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za zdravstvo i ostale usluge,
5. «Službenom glasniku Brčko distrikta BiH»,
6. Arhivi.

